

新刻羣音類選

新刻羣音類選清腔卷四

虎林 胡氏 文會堂 校

商調

二郎神一套

閨怨

才郎去綠髻姮娥懶去梳世上相思偏害我分明是
打破鶯儔燕侶鸞雛滾滾波濤滄斷藍橋路這姻緣
將人間阻添淒楚怕的是孤枕無眠漏滴銅壺集賢
賓臨行記得元宵十五燈兒下再三囑付他約到楊
柳含金二月初到如今捱過清明夏又過枉痴心絲
朝卜課被傍人勸我道且自開懷不須眉鎖黃鶯兒

題起便心孤。想他們不是薄倖徒。他將牡丹移過奴。
把薔薇補。莫非他弃奴。莫非他有小蘇。莫非他枕邊
別戀多嬌婦。事模糊。因何日久書信半行無。香柳娘
我是深閨少年。是深閨少年。出門不慣。未曾舉步心
先戰。過花邊柳邊。過花邊柳邊。月影透虛簾。雕梁獨
栖燕。這風流在眼前。這風流在眼前。蘭房洞天。那人
羞見。黃鶯兒雙燕入簾櫳。見他們愁倍濃。幾番血泪
如泉湧。秋波漲紅。春山減容。恹恹鬼病。看看重。恨無
窮。鴛鴦久冷。何日裡再相逢。香柳娘。想多才未眠。想
多才未眠。孤燈為伴。陽臺路杳。何辭遠。過山前水前。

山前水前明月樹頭懸金鳥翅展轉這風流
前這風流在眼前蘭房洞天那人羞見琥珀猫兒
將衫袖輕把泪珠扶忽聽得窓外將奴小字呼不由
人身子不麻蘇天付好一似病得仙丹早逢甘露尾
聲相逢慢把衷腸訴舊恨新愁說不盡苦佳備着捲
地風雲一海波

二郎神一套

秋季閨情

高東嘉

人別後正七夕穿針在畫樓暮雨過紗窓涼意透斜
陽影裡一簇寒蟬衰柳水綠蘋香人自愁况輕拆
交鳳友合得成就真個勝似腰纏跨鶴揚州前腔風

卷之五 月 四

二

流恩情怎比，墻花路柳，記待月西廂，和伊携素手。
 柰話別匆匆，雨散雲收，一種相思分做兩處愁。雁來
 時音書未有，合前集賢賓西風桂子香韻幽，柰虛度
 中秋。明月無情穿戶牖，聽寒蛩聲滿床頭，空房自守，
 暗數盡，合如病酒。這滋味，那人知否，前腔
 功名未遂，姻緣未偶，共簇一個眉頭，惱亂春心卒未
 休。怕朱顏去也難留，明珠暗投，不如意十常八九。合
 前黃鶯兒霜降水痕收，見池塘已暮秋。滿城風雨，還
 重九，白衣送酒，烏紗戀頭，思憶那人應比黃花瘦。合
 怕登樓，雲山滿目，遮不得許多愁。
 惟酒可忘憂

柰愁腸不殢酒，幾番血泪拋。紅豆相思怎休。流傳
受。老天知道，和天瘦。合前琥珀猫兒，綠荷蕭索，燕計
蓋眠鷗。淺碧粼粼，露遠洲。羈人無力冷颼颼。合添愁
悄。一似宋玉賦高唐，對景傷秋。前腔題情紅葉，偏向
御溝流。詩向上分明尋配偶，此情還記我，心頭。合前
尾簷。一年好景還依舊，正橘綠橙黃時候，強把金尊
開懷斷送秋。

二郎神一套 有憶

楊升菴

春到後，正三五銀蟾影乍圓。深院裡誰家吹玉管，紫
姑香火，聽一叢士女聲喧。欲擲金錢，暗卜歡爭，柰婦

期難算合遠如天，真個是斷腸千里風烟。前腔嬋娟
從別後，萍流蓬轉，多病多愁，相思衣帶緩。記名園花
底笑，挽鞦韆，回首雲程隔萬山。燕來時，黃昏庭院合
前集賢賓。東風芳草競芊綿，何處是王孫故園。夢斷
魂勞人又遠，對花枝空憶當年。愁眉不展，望斷青樓
紅苑。合離恨滿，這情踪怎生消遣。前腔海棠經雨，梨
花禁烟，買春愁滿地榆錢。雪絮成團，簾不捲，日長時
楊柳三眠，樓高望遠空目斷。平蕪如翦。合前黃鶯兒
晴日破朝寒，看春光到牡丹。閒將往事尋思遍，玉砌
雕闌翠袖花鈿。一場春夢從頭換。合惡姻緣雲收雨

不見錦書傳。前腔鶯語巧如絃。趁和風度枕函。似把人愁喚。衷腸幾般夢魂。那邊一恁憔悴誰相伴。合前琥珀猫兒紅。稀綠暗。最是惱人天。一片春心怯。杜鵑又那堪。千重別恨懶調絃。合潛然對天涯萬里。落日山川。前腔水流花謝。春事竟茫然。都只因春帶愁來到客邊。怎奈春歸愁不與同還。合前尾聲九十春光虛過眼。人憔悴慵將鏡看。且倒金尊花前學少年。

二郎神一套 征怨

金白喫

新睡起。厭輕暖。輕寒減。玉肌撚指裡。匆匆春又去。欲

聲聲杜宇，知何處。望斷玉勒剛鞍，古道長堤。前腔當
時花前共你，新婚燕爾，憶鸞鳳。嗷嗷飛綠綺，誰料名
利驅人，鳳別鸞離。連理春風，番做牆外枝。冷重門笙
歌院宇，知何處。望斷芳草垂楊，綉陌香堤。集賢賓蕭
關欲待尋君去，綉鞋怎解驅馳。好似遊絲，縈蝶翅。飛
不過層樓十二，一江綠水，難抵我。一春紅泪，人萬里。
嘆錦字啼痕空寄。前腔金鈎綉簾剛半起，倚闌凝望
天涯。羞見春雲催暮雨，飛過了巫山十二。一庭舞絮
都是一腔愁緒。人萬里。嘆尺素音沉，燕寄。黃鸞兒香

篋斂紅絲拂花箋製小詞筆尖兒寫倒鴛鴦字心
頓灰泪兒亂垂條眉兩葉愁封翠綉羅幃悠悠春
飛過大江西前腔朝露浥羅衣傷荼蘼折小枝香
忽見花同蒂情兒頓迷意兒似痴綉鞋立遍蒼苔翠
惱鶯啼驚回春夢不得到遼西琥珀猫兒戍樓天外
黯黯亂雲低腸斷征人畫角吹黃河何日洗兵車傷
悲怎禁他塵鎖粧臺月滿空閨前腔龍沙漠漠斷磧
雨霏霏朔氣遙憐冷鐵衣黑山何日捲征旗傷悲怎
禁他香燼金爐燈暗深閨尾聲腰肢瘦束金蟬細樂
遊原上草萋萋只恐歸時過綠時

二郎神一套 惜別

張叔元

才聚首，又信宿分飛，不暫留。正孤館斜陽，添線候，壁
車目斷，喜慰我，徬徨良友。把酒層軒，冥靄收看，寒月
亭亭光溜。合腸迴九渾，似膏火流波，一樣悠悠。前腔
簾鉤真珠控處，堪傾百斗，怕玉山潦倒，無紅袖，拚個
斷送黃昏。戍鼓譙樓，笑殺君行，道我沒來由。倘君知
還加倜傥。合前集賢賓論心展轉，難斷頭，更携手遊
遊。早是閑街人靜後，送河梁，重引離憂。天邊森宿，野
伴我，歸途迤邐。合門掩扣，縹緲的餘香，輕透。前腔偏
栖不穩，孤衾怎就。况對黯慘燈篝，漸瀝悲風，激去休。

羣芳類選 漢月雜 四六
羨黃鳩

二郎神一套

宮怨

梁伯龍

銅壺轉、奉箕箒、又平明、金殿記、少小披香、曾侍宴、鸞
輿別後、椒房寂寞、多年只聽風送西宮、歌吹遠、嘆命
薄、承恩何淺、恨無緣、總黃金、求賦文章、更有誰憐、前
腔、花磚飛英、亂墜湘簾、高捲柰春鎖、重重深、小院、怕
鞋侵荒蘚、瑤階欲下、還旋、何日得碾破蒼苔、留玉輦、
媿隨例、雖朝空見、恨無緣、總黃金、求畫丹青、竟有誰
憐、轉林鶯、思家何處、魂夢懸、淹淹弱息、難延、九十日
春光、愁過半、病膏肓、旦夕牽纏、腰肢瘦軟、宮醫有倩

誰呼喚淚綿綿書封戰襖投向阿誰邊
箭腔閒宵欲賦紈扇篇
柰秋風篋笥空捐月過房攏刺綉倦
這深宮夜午誰誼怪金鈴小犬吠花影隔簾空轉淚綿綿
詩題紅葉流向阿誰邊
黃鶯兒錦瑟倦調絃對春風
哭杜鵑開簾羞覩雙雙燕
他那裡歌臺夜喧我這裡
舞袖畫眠緣何一宮之內溫涼變
會何年昂湖龍去除是共登仙
箭腔粉黛浪三千念當初寵最先為甚
十年不識君王面非君故偏似妾故專
而今懊悔却又難重見
會何年翠華雲暗除是共陵園
琥珀猫兒烟橫闌道
日落斷傳宣銀鑰隨收金鎖穿
花房夜揚

守宮鮮，天天又早，是門掩黃昏，銀燭空燃。（前腔）君恩
浩蕩，不是誤嬋娟，自恨孤身多命蹇。今生已矣，還結
後生緣。天天又早，是月落烏啼，銀漏空傳。（尾聲）傷心
過處，還消遣。自甘受一生微賤，聖主從教憶萬年。

二郎神一套 題情

唐荆川

寄來書，千言萬語，都道我情未堅。一水如同隔楚天，
想昔日枕畔盟言，也曾許種玉藍田。到如今被滾滾
風波，却把藍橋渰。那浪蝶把名花汚染，我也無緣再
圓情。默默空自對鏡臨淵。（集賢賓）從來好事皆在天，
誰知兩下無緣。我比宋玉憂愁增萬千，向書齋度日。

如年你娘見偏聽讒言將人逐起難相見對孤燈

懷淚漣(啄木兒)休埋怨莫嘆嗟只為螭頭利却將恩

愛撇冷落了軟玉溫香害得人腰肢瘦怯我為你被

賓朋們笑道是忘家業你為我被多人見怪成磨折

只為一曲陽春番成兩怨嗟(三段子)你自說搗花可

折我將你做姮娥在月你的病容瘦怯我兩眉峰攢

成萬結並肩齊拜瑤臺月山盟設盡言猶熱忍下得

辜恩成永訣(前腔)當初乍別鬢青絲將紅羅帕結陽

關唱徹酒入愁腸化成泪血道此行休惹閑風月逢

花莫托奴拋撇此語記心頭教我待撇怎撇(關雙雞)

歸來後歸來後，蘆花明月，青樓靜，青樓靜，綉簾半揭。
這離恨，又從頭打疊。相思病已成，懨懨瘦怯，雖向黃
泉這一靈兒，等伊相見，方成灰滅。尾聲風流惹下風
流孽，笋在包時難見節，直待相逢和他慢慢說。

二郎神 秋懷

梁伯龍

相逢久，笑春來尚分飛，依舊記軟弱身兒。年紀幼重
簾不捲，蕭條獨坐危樓，為甚懨懨如病酒。空恩愛
未曾消，受莫淹留，更不念匆匆歲月如流。鶯啼序錦
堂風月，今秋又參辰，還自昴酉。定非關途路悠悠，不
干魚雁差謬。柰花營唇鎗戰爭，更錦陣心兵輻輳，無

共有只落得浪傳人口。簇林鶯空挑鬪，難斷頭為高。
唐雲未收，朝朝暮暮，在陽臺右。情深怎休，恩深怎丟。
因此上明知未偶，還迤逗夢悠悠。三星天外，空戴月
如鉤。啄木兒曾畱戀幾浪游，秋水春山常聚首。記花
陰清晝，攜琴想燈前午夜藏闔，更憶他修書漫捲羅
衫袖。高歌半解香喉扣，訂約偷回扇底眸。闌雙維天
台渡，天台渡，桃花水流章臺路。章臺路，柳條報秋誰
道落人機殼，崑崙是何處。奴施巧手，把往日恩情一
旦盡勾。永紅花犯。正值陽回九九，被何人苦逗。邇奈
阻隔去無由。冷颼颼，卿卿知否。多應獨倚小窓幽。果

難投重門誰叩，四五年光陰度，三兩行淚空流。淒淒切切，帶人愁也。羅尾聲景淒涼，人傷憊，相思業債幾時休。直待要海燥江枯，方罷釣。

鶯啼序 一套

閨怨

陳仲完

冤家你好虧心，頓忘了誓盟，遇花朝月夕，良辰好教我虛度。青春悶恹恹，把闌干凭倚，凝望他全無音信。幾回自忖，多應是我命薄緣輕，黃鶯兒誰想這一程減香肌，憔悴損，鏡驚塵鎖無心整。脂粉懶勻，花枝懶簪，空教我黛眉，感破春山恨。最難禁，燕樓上畫角，次微斷腸聲。集賢賓 幽窓靜，悄月又明，柰獨倚圍屏，鶯

聽孤鴻樓外鳴，把離愁又還提醒。更長漏永，早不覺
燈昏香燼，眠未成。他那裡睡得安穩。關雙雞，思量起
思量起，怎不上心。無人處，無人處，淚珠暗傾。我怨他
說他不盡，誰想道這裡先走滾。自恨我當初不合認
真。簇林鶯人都道他志誠，却元來廝調引。眼睜睜心
口不相應。山誓海盟，說假道真。險些兒為他錯害了
相思病。負心人看伊家，做作如何教。你有前程，琥珀
貓兒目，疎日遠，無計再相親。枉了痴心，寧耐等想。巫
山雲雨，夢難成，薄情拚却今生。和你鳳拆鸞分，尚遠
梁煞。冤家一去無踪影，割捨得將人孤另。那日裡恩

情番成做畫餅

鶯啼序 一套 閨情

陳秋碧

孤幃一點殘燈見半滅猶明夜迢迢斗帳寒生展轉
幽夢難成盼雕鞍把歸期細數恨浪跡全然無定把
前勸自省說來的話兒無憑黃鶯兒無語對銀屏正
蕪樓鼓二更梅花咲殺人孤另疎鐘幾聲殘角數聲
薄衾單枕愁難聽影伶仃岩岩瘦骨離恨教我怎支
撐集賢賓柳榆鬼病誰慣經待舉步難行翠竹金釵
無意整好梳粧一日何曾心懸意耿自古道佳人薄
命淒涼景捱不到美滿前程聞雙雞芙蓉面芙蓉面

淚痕暗凝楊花性、楊花性別離太輕、自是東君薄情、
一樹紅芳誰管領、浪蝶狂蜂、休得要鬪爭、簇御林、天
涯路、長短亭、怨王孫、芳草青、畫長羞把闌干、凭幾遍
將鱗鴻情、訴衷情、千言萬語、猶恐欠叮嚀、琥珀猫兒
野花村酒、他終日醉還醒、冷落誰憐、冬暮景、奴耽寂
寞你飄零、難憑頓、忘了神前海誓山盟、尾聲風流惹
下相思症、只索把多情痴等、他没真心、我拚箇志誠

鶯啼序一套

閨情

梧桐一葉初凋、看斗轉西杓、夜長更漏迢迢、枉教人
辜負良宵、透珠簾、金風蕩颺、映綠底、銀蟾光耀、怎捱

到曉不覺得月上花梢集賢賓朱顏可惜虛度了况
逢暮京良宵日近天涯雲縹緲空教人共誰歡咲花
陰月皎對此景越傷懷花深院悄西風起泪零多少
黃鶯兒啞韻絮叨叨聽寒砧入夜高雨摧壞壁苔花
老助秋聲晚潮戰西風柳條破雲送月朦朧到正無
聊誰家短笛哀怨度中宵琥珀猫兒鏡鸞羞覩忽訝
臉容消淡淡蛾眉誰畫巧帶圍寬褪小蠻腰寂寥最
難禁滿天梧葉亂下亭皋尾聲何時得見才郎貌對
蒼天焚香禱告但願鸞凰一處交

黃鶯兒一套 閨怨

松德芳

紅閣晚調笙紫雲閒玉漏平轆轤聲斷銀瓶綆知此
在灞陵知他在茂陵花殘兒不遮風流信自逢春容
光減畫鸞鏡半凝塵箭腔金鴨夜香沉怯春寒坐到
明象床豹枕花辰冷鵬兒又鳴燕兒又鳴被兒紅疊
鴛鴦錦自逢春風流減盡瑤瑟半凝塵六么梧桐垂
楊小亭綠陰濃冰簟涼生翠枝繁葉短巢鶯猛見風
兒吹絮撲上紅枕屏好夢難成幽夢難成細雨芭蕉
四五聲箭腔潛開玉扁喚紅兒伴出中庭薔薇花刺
絆羅裙剛把香兒燒罷又早夜已深好夢難成幽夢
難成風弄湘筠四五聲鴈過燈犯銀河影瀉澄澄猛

聽烏鵲夜驚雙星兒天上佳期近馬蹄兒何處胡行
更長漏永閃得我新來多病往事頻思省愁轉深搵
不住衫兒上重重墨墨數行泪痕前腔西風幾處寒
砧愁殺邊衣未成銀燈兒明滅紗窗靜團扇兒委在
埃塵瑤階露冷鞋底兒蒼苔濕盡往事頻思省愁轉
深羞見那花兒上嬌嬌滴滴半鈎月痕琥珀貓兒層
樓十二斜日幾回登一抹寒山隱隱青分明似我眉
黛顰難禁萬恨和千悶煩惱呵鵲聲兒不准懊惱呵
金錢兒無准前腔危闌十二斜月照閒凭一樹疎梅
素影橫分明似我容瘦生因循掩鏡拋脂粉煩惱呵

燈花兒沒准懊惱呵夢魂兒無准尾聲憶多六
命金屏敲斷玉釵聲月下花前空待等

黃鶯兒一套

四景閨怨

陳秋碧

彈指怨東君好直恁辜負人曉粧羞對菱花鏡花枝
懶簪脂粉懶勻暗將心事占天問合冷清清一春過
了爭得見意中人前腔無語倚閑庭不由人不動情
花間粉蝶相隨趁鶯啼幾聲鶻啼數聲晚風吹落紅
成陣合前六么梧桐鴛鴦睡濃菱荷香送薰風懶將
紈扇掩酥胸試把念兒推起只見花影重好景難逢
好景難逢又見榴花照眼紅前腔簾垂幾重怎不遮

攔愁入芳容，縱有美酒泛金鍾。少箇人兒共飲，教我
愁轉濃。好景難逢，好景難逢。又見荷花映水紅。雁過
燈，犯秋風。早入庭幃，又見梧葉乍飛薄。情人杳沒音
書寄，泪彈點滴如珠闌干鎮倚，捱幾箇黃昏滋味。合
悵望人千里，伊怎知。又聽得樓頭上，嘹嘹啞啞數聲
雁兒前腔。登高負却佳期，羞覩黃菊紫萸，劣冤家戀
酒迷花底。知他還共別的尋龜買卜，他許我綢繆佳
配。合前琥珀猫兒幾回猛醒，罰愿和你斷相思，不覺
腰肢減帶圍。沉吟半晌心轉痴，只落得背地裡長吁
氣。合瘦損呵情人在那裡瘦損呵黃花怎比前時。

風吹雨，番作六花飛。江上漁翁罷釣歸，寒感透入綃
金帳裡。天天怎教奴獨睡。合前尾聲。有家書，無人寄。
魚沉雁杳，信音稀。甚日團圓重賀喜。

黃鶯兒一套

中秋

胡金菴

陰晦一時開，喜姮娥出關來。山河百二生光彩，夜宴
且排金尊慢催。何妨雞唱書窗外，試開懷，吹簫相引，
攜手共登臺。前腔，萬里絕塵埃。會嫦娥，自有階，廣寒
仙桂真吾愛。明秋折來，今宵漫猜。翩翩衣染香風在，
試開懷，吹簫相引，攜手再登臺。簇御林詩千首，酒百
盃。憶當年，李白才，良辰不飲真堪怪。忍看那魏鵲吳

牛態試開懷，霓裳再舞，身世恍瑤臺。前腔歌聲滿，咲
語該，願年年樂事諧。管長生有藥，飛仙界，任清寒如
水也。方稱快，試開懷，霓裳再舞，身世即瑤臺。琥珀猶
兒墜，尋常三五，已是醉秦淮。何況今宵景更魁，天街
不夜任徘徊，開懷休論取人多離別。月有沉埋，前腔
南樓高處常是照金罍。况得金釵夜夜陪，勸君休學
阮途哀。開懷咲殺他，砧聲亂擊，杼韻頻催。尾聲姮娥
暫別青天外，有約黃昏重待，拚得開懷懷再開。

黃鶯兒一套

重陽

胡金菴

佳節又重陽，喜東籬菊已黃。開尊且醉陶元亮，風來

不妬雨來不忙，人生幾度能歡賞。細思量，天空海闊，
隨處卽家鄉。前腔醉後興偏狂，向龍山更舉觴。多情
破帽依頭上，由他降霜，任他送涼。茱萸細看空惆悵，
慢思量，古今興廢，何用感衷腸。前腔戲馬久成荒，且
優游，駕小航。落霞孤鶩，渾無恙，堪羞宋郎。堪嗟沈郎，
一悲一瘦，無情況。再思量，詩魔酒債，落得度時光。前
腔歸去擁紅粧，儘盈頭花戴香。頻開笑口，還低唱。喜
殺楚娘愛殺洛娘，從今永保無災障。莫思量，良宵美
景，不樂計非長。猶兒墜登高佳約，明歲莫相忘。雞黍
當年羨范張，忍教三徑久成荒。思量要知是少壯襟

懷須放徜徉、前腔橙黃橘綠、新稻已登場、明日還
漉濁漿、忍教蜂蝶把花忙、思量况又值月白風清、宜
弄絲簧、前腔深秋夜半、天氣倍淒涼、生怕黃花改瘦
龐與君燒燭、且相防、思量便劇飲、醉倒花前、也是風
光、前腔塵機俗務、何用苦忙忙、一任時人笑語傷、到
頭却是屬黃梁、思量、但只願年年此日、攜手相將、尾
聲、客中興味、誰攔攔、况秋景目前、堪賞、肯使蕭條鬢
點霜、

黃鶯兒一套

秋懷和韻

胡金菴

搖落怎生熬、月明時、雁字遙、孤衾轉展、天難曉、情神

枉勞風流頓銷，夢中陳迹，何須道。
合好心焦，婦人見空度，可憐宵。前腔疎雨打芭蕉，更狂風聲怒號。床頭囊底都虛耗，花情懶，豪酒興，欠高。歲華惹得傷人笑。
合前猶兒墜何方砧杵，偏向枕邊敲。爭奈歸心折，大刀暗將珠泪，隔窗拋。
合魚聊斷送，人一生憔悴，鬢蕭蕭。前腔披衣不起坐，獨自把燈挑。鼓泄更殘遠，麗譙煒煒孤影共誰交。
合前尾聲別離滋味都嘗到，何日裡得開懷抱，却把歡娛換寂寥。

黃鶯兒一套

恬逸

胡全菴

題起一番愁，利名心付水流，不如窓下酌盃酒，看朱

顏白頭看青雲玉樓電光石火難長久漫夷猶蠅頭
蝸角會見有時休(前腔)賈掉五湖遊慣忌機羨狎鷗
人生如夢空窮究把紅塵遠畔把閒心早酬白雲滿
榻風生袖最清幽無非無是贏得傲王侯(猫兒墜)一
聲長嘯不覺海天秋浩蕩衿懷春已收倘來富貴視
雲浮參透好咲他崖前走馬風裡行舟(前腔)羲皇上
世無識亦無謀叔季人情愈下流高飛遠舉怕回頭
知否已是嘆泥途出晚尚肯淹留(尾聲)任他塵世還
奔走聽我飄飄做箇高士儔懶為兒孫作馬牛

黃鶯兒一套 警悟

胡金菴

事業付漁樵，手中將語鼓。敲見人，惟有呵呵笑。烏江
氣豪，赤壁事豪，到頭陳跡空悲掉。索清高，虛名虛利，
相視等鴻毛。箭腔造化小兒曹，慣迷人，沒下梢。南來
北去，何時了，精神枉勞容顏暗消。可憐填不滿塵心，
竅漫推敲時，先迅速着甚在蓬蒿。猫兒墜蓬萊海外，
飛去路何遙，曾見東方三竊桃。再聽弄玉夜吹簫，飄
飄一任他，此邱墳墓，日日培高。前腔桑田滄海，更變
也難饒，何況區區一市朝。蜉蝣生世不終朝，飄飄問
誰能棄瓢洗耳，學得由巢尾聲。白雲滿地無人掃，姓
字年華都忘了，那管你鐘送黃昏雞報曉。

卷之三

黃鶯兒一套 偷情

收春主人

情趣在相偷，眼波兒先暗勾。匆匆試作鴛鴦偶，全無
 數抽。一齊便丟，平時宿火，今聊救記心頭。從今得便
 相與，繼綢繆，前腔着手，便情休。為私心得少酬，時時
 交會，安能殼擔驚着憂，招非忍羞，不如無帳番親厚。
 甚緣由，假將疑避，不敢逞風流。（猶兒墜）押衙何處，我
 欲藉神謀，怎得春光被我收。空勞紅葉水中流，休休
 倘被人瞧破，恩反成讐。（前腔）燈前月下，伺候揔淹留。
 覆雨翻雲，豈好速吹簫。空自憶秦樓，休休怕粧成金
 屋，變做悲秋。（尾聲）雁聲吠處，雞聲驟，夢破高唐興，轉

稠不比踰牆把處子撿

字字錦一套

四時閨怨

楊彥華

羣芳綻錦鮮香逐東風軟鶯簧奏巧聲提起傷春怨
觀名園只見杏障桃屏桃屏上真果柳擁翠烟難言
桃花相映怕不強似去年綠何去年去年人不見合
空感破兩眉尖柰山遙水遠在那裡和誰兩個瀟
瀟洒洒咱這裡思思想想心心念念欲待要見他一
面前腔梅黃雨霽天漸覺南薰轉聲聲噪柳蟬對對
飛梁燕盼定前只見照眼榴花榴花上真果紅顏似
染堪觀鴛鴦並頭怎不教人可憐綉房中有誰有誰

同歡宴合前賺離緒慊慊奈少個人兒在眼前空嗟
怨何年何日再團圓淚漣漣極目關山人去遠寫下
花牋誰與傳心事無靠托那冤家直恁誤人方便好
難消遣好難消遣滿園春南樓外鴈翩翩悄沒箇音
書轉聽長空敗葉飄飄舞金風動鐵馬兒聲喧紗窓
外透銀蟾合想殺人也天盼殺人也天短命冤家音
稀信杳莫不是負却盟言前腔彤雲布朔風凜遍長
空柳絮飄綿見幾樹早梅初綻蔬銷金帳無人來伴
獨坐在獸爐邊合前尾聲終須有日重相見對月臨
風自消遣辨炷名香祝告天

山坡羊一套 青樓

楊德共

幾烟花章臺幽雅，憶秋娘千金聲價，綉重重羅幃。
春香飄飄十里，聞蘭麝團扇遮東風，彩袖斜金鈎錯
落，錯落珠簾掛，楊柳風軒梧桐月榭，堪誇鳳釵頭掉
杏花堪誇綉鞋尖，蹴落花五更轉，燕子樓，雕甍記綺
窓春捲幔紗，長安年少，年少雕鞍卸，看取惜玉憐香
牡丹亭下，香篆消日轉過，茶蘼架淋漓酒溢，酒溢黃
金竿，舞回黛減雙蛾，笑倚檀郎頻盡江兒水，冉冉東
風蝶，淒淒暮雨鴉，春來秋去，泉東瀉芳顏不似前，滿
酒鏡驚春曉，流塵惹門外不來鞍，馬蹏雨尤雲一筆

從今勾罷玉交枝。幽情閒寫。抱琵琶臨風怨嗟。三千
珠履金屏下。到如今都在誰家。翻雲覆雨難怨他。色
衰愛寢從來話。憶西陵松陰露華。嘆潯陽江聲月華。
解三醒。綠紗窓春閒綉榻。夜迢迢。帳冷梅花。香車油
碧。憑誰駕。空悵快。泪如麻。歌闌白雪。知心寡。裙褪圍
花。嫩紫霞。頻驚訝。嘆芳容。渾似白璧生瑕。川撥棹。舉
目無聊藉。嫁商人。不戀家。似楊花。飄泊天涯。似楊花
飄泊天涯。恨殺當初一念差。望青樓。道路賒。盼鄉關
雲霧遮。僥僥令翠鞋。行草野。彩袖。腕塵沙。誰想錦瑟
瑤箏零落後。今日裡聽城頭。奏暮笳。尾聲。衰榮人世。

花開謝不獨平康可嘆嗟須信東陵有趙瓜

山坡裡羊一套

閨怨

陳秋碧

風兒疎刺刺吹動雨兒浙零零風送雨聲淒楚風兒
橫綉幕中燈兒一點紅燈兒照破人兒夢夢繞巫山
若箇峰朦朧徘徊兩意濃匆匆歡娛一霎空皂羅袍
翠被今宵寒重聽蕭蕭落葉亂走簾櫳綠雲堆枕髻
擊鬆不知溜却金釵鳳惱人階下淒淒候蛩驚心樓
上噹噹曉鐘無端畫角聲三弄解三醒犯最無柰漏長
更永怎支吾恨多愁冗夜深私語無人共他那裡
青驄笙歌醉迎花咲擁多應在蘇小湖頭柳市氣放

情一時闌採遍芳叢。玉胞肚音書誰送。知隔着關山
幾重。見如今水闊山高。促急裡怎覓鱗鴻。寒衣費盡
剪刀工。線線針針手自縫。調角兒序犯一任他浮踪浪
跡。終須是有個相逢。既然他能全始終。作來的儘自
包籠。告神靈都無用。捧玉鍾。流霞滿泛。親陪奉。生前
共死後從。再把連枝種。尾聲寵愛深恩。情重風流過
犯。且姑容。多少閒言過耳風。

十二峰一套 晝夜閒情

陳秋碧

山坡羊伴孤燈三更情況。捱剩枕幾番移放。想當初
此時共他樓香肩。睡足芙蓉帳。五更燭到如今獨自

空惆悵燈兒半滅半滅銀河上你看殘月低沉又

早鐘敲雞唱園林好聽鴉啼林梢曉霜看日影花篩

紙窓江兒水怕對鏡愁添悵快羞殺胭脂粧不就桃

花模樣玉交枝眠思夢想對朝食無心去嗜好花曉

怯枝頭放帶不上昨夜春光五供養纔離鴛鴦帳又早

見雙飛燕來燕往起來無半日泪滴幾千行怕綉那

傷心兩兩鴛鴦好姐姐午晌倚樓凝望人隔着山高

水長玉山頽穿梭日影又過粉牆西向香閨人寂寞

恨茫茫綉鞋兒雙褪晒西窓鮑老進此情怎當疎林

鳥投喧夕陽人歸不似飛鳥忙川撥棹想起他虛謊

卷之六

不思量，歸故鄉。愁殺人，傍晚淒涼。愁殺人，傍晚淒涼。

慶子

罵負義，虧心薄。倖郎把燈兒，點上銀缸，把燈兒

點上銀缸，捱過黃昏。又怎當（曉僥令）聽嘹嘹孤雁泣。

點點漏聲長，夜靜更深人悽愴。總夢兒裡相逢，魂渺

茫。（尾聲）一年未了相思帳，一月月難消磨障。那更一

日十二箇時辰，空斷腸。

畫眉序一套

途思

入商黃調

文三橋

白露破青烟，曙色將明動。橈船見蕭條風景，意惹愁

牽。家鄉裡何日留連，山水與今朝消遣。滿懷無限淒

涼景，芙蓉冷落誰憐。黃鶯兒茅舍兩三間，傍危橋流

水邊西風桂子香飄遍。砧聲亂傳。離情慘然。傷心始
見。雙飛燕。嘆陽關驪駒唱徹。不覺又經年。發御林蘆
花渚。宿錦鴛。比情人。無二三。蓬窓獨倚。空長嘆。紫簫
聲斷。行雲散。並頭蓮。何時共枕。重會舊姻緣。集賢賓
層巒萬疊。如翠攢飛。紅瀉石涓涓。蕭寺疎鐘。人漸遠。
頓刻間。趨過前川。柴門半掩。幾度把青帘。頻盼。身勞
倦。凝眸處。野色相連。皂羅袍滿目黃花夾。呼似粧成
一簇。晚景鮮妍。夕陽影裡。噪寒蟬。頻香水綠。真堪玩。
漁翁釣罷。和衣醉眠。牧童笛弄。無腔自喧。沙鷗驚起。
滄江畔。猫兒墜。寒灘風冷。又早着霜斑。欲寫新詩興。

未闌巫山夢斷雨雲開情慳甚日得團圓再整歸鞵
鬪雙雞疎林外疎林外古樹藤纏烟村裡烟村裡古
渡艇灣幾番漁鹽入市商人交競後早日已殘只見
古樹昏鴉爭宿樹間尾聲異鄉情緒何曾慣江村漁
火對愁眠幾時得歸夢依稀返故園

畫眉序一套

題情
入商黃調

一見杜韋娘惱亂蘇州刺史腸似奇花解語軟玉生
香綵雲輕舞袖蹁躑金縷細歌喉清亮料應夙世曾
為伴今生再得成雙黃鶯兒偏愛素羅裳煞娉婷忒
恁狂丹青怎畫得他嬌模樣行思坐想恩情怎當這

冤家牽掛在我心兒上，細思量，一時不見，如隔九秋。
霜集賢賓，一味志誠，非勉強，他有鐵石心腸。君子情
懷耐久長，我何曾着意關防，憑君主張，自不許蜂喧
蝶嚷。秋江上芙蓉花到老含芳，猶兒墜合歡未久，無
柰往他方。渭北江東，道路長，暮雲春樹兩茫茫，何妨
一種相思，分做兩處悲傷。尾聲：歸來依舊同歡賞，月
下花前再舉觴，只怕歲月無情，兩鬢霜。

畫眉序一套

入商黃調
題情

花下見妖嬈，彷彿仙姝，離蓬島，看眉橫翠黛，臉暈紅
桃。步香塵，羅襪輕盈，歌麗曲鶯聲，嬌巧見人未語先

含咲朱唇兒綻破櫻桃黃鶯兒楊柳鬪纖腰露春蔥
十指嬌琵琶撥盡相思調能詩薛濤賽江東小喬雙
生何必尋蘇小鳳鸞交俚紅倚翠無福也難消集賢
賓也曾焚香告天把蘭麝燒也曾把詩句兒寫滿鮫
綃也曾向芍藥闌前閑開草也會在月下吹簫他有
文君雅操正遇着相如才調同傾倒相隨趁月夕花
朝猫兒墜千金一刻難買是春宵白髮相催人易老
貴人頭上不曾饒今宵不如典却鸛裘解下金貂尾
聲一團嬌紅迎俏鎮日裡追歡買咲只恐人老花殘
空懊惱

畫眉畫錦一套

途思
入高平調

燕參政

霍索起披襟見雞窓下有殘燈把行囊束整跨馬
程傷情半世隨行琴和劍幾年辛苦為功名從頭省
只落得水宿風飡帶月披星畫錦畫眉冥冥霧淡雲
輕蕭寺漸遠猶聞得隱隱鐘聲離却邯城遙觀野外
烟凝銀河落斗柄初橫玉露冷衣襟濕潤懊恨牢落
在江湖上身一似浪裡浮萍簇林鶯黃花綻滿路
見人家半啓扃只聽得馬蹄兒跣的跣蹬穿荒徑
犬早驚哀猿忍聞只見兩兩三三牧童騎犢過了荒
郊徑數郵亭長亭共短亭一亭過了又一亭苦鶯兒

伐木響丁丁，傍幽林取次行。只聽得敗葉兒淅零，索
落隨風韻。殘月尚明，殘星尚存。碧溪清淺，梅橫疎景。
算行程，山程共水程。一程過了，又一程。（螭蟬令）霧斂
雲收，曙色漸明。隱約遠山青，只聽得豁喇喇澎湃波。
濤怒嚮潺潺石澗水傾。白蘋洲紅蓼汀，料想眠鷗宿
鷺鷥。（一封書犯）芳草渡岸濱，野渡無人舟自橫。江潮
定水平，蒹葭浦濕帶痕。漁翁尚臥在蘆花深雪裡，
瀟瀟洒洒，五湖烟景有誰爭。（馬鞍兒）怪石似劍排空
陣，連雲棧怎生登。巉巖峻嶺，巉巖戰戰兢兢，迤邐無
人存。問西風吹髻，帽簷半傾。東方潑眼紅日漸昇，前

途且喜村庄近。皂羅袍酒旗竹籬掩映。買三杯酒。

少助精神。素壁中間畫劉伶。竹筍共磁甌。相稱。香醪
螭蟬。正當此景。菊花新酒。和誰宴飲。教人止不住。思

鱸興。梧葉兒名韁利鎖苦相縈。背雙親離鄉別井。何

時名位到公卿。受艱辛。一言難盡。驀聽得晨雞三唱。

直待曉鐘始停。好傷情。回首望家鄉。泪暗傾。水紅花

漸覺日高丈五。聽離巢鳥亂鳴。見古樹纏枯藤。冷清

清深秋光景。一灣流水遶孤村。小橋橫。人烟寂靜。八

九間茅簷草舍。三兩行雁南征。嘹嘹唳唳。叫聲頻也。

囉。尾聲攬絲鞭。敲金鐙。到得都下始安寧。直待衣紫

腰金方稱心

黃鶯兒一套

閨怨
入高平調

文衡山

孤鏡盡愁眉，未凝眸。淚已垂。悔當初，拆散鸞凰侶。而今未歸，芳心付誰。總詩題紅葉，空自隨流水。隔天涯，願君如旅雁，萬里向南飛。香羅帶，相思倚綉幃。離愁怎持。金尊未傾，心已醉。冰絃欲理，指難移也。此際無窮意，有天知。天應念妾妾念伊，惟有薄倖無情也。不念當初炊爨處，多醉扶床對銀燈。終夜長吁氣，整鴛衾。空憶合歡時，怪蛩聲偏惱。獨醒人恨，嬋娟不照。孤眠處，怎能殼重合鳳臺。簫多應是，鴛悞巫山雨。好姐姐

追思那日別離，兩下裡指天設誓，銘心刻骨教他休。
負虧成何濟，君心一似風中絮，飄蕩春江猶未歸。玉
山頹，殘秋天氣憶蕭關，尚未授衣。自臨機欲織迴紋，
未穿梭寸心先碎。柔絲萬縷，千里車輪難繫，路遠書
空寄。卜歸期，教人終日倚門闈。看芙蓉滿地，
看芙蓉滿地，兀自笑人憔悴。對花無語，含羞愧，佇金
蓮懶移。佇金蓮懶移，獨立望長空，銀河隔牛女。嘆朱
顏漸衰，嘆朱顏漸衰，半向夢中消。半向愁中去。尾聲
天涯草色，心千里，盼望王孫何日歸。此恨綿綿無絕
期。

大石調 有小石調

念奴嬌序一套 閨情

王西樓

麗譙落月正野烏城上啼殘萬瓦明霜畫角聲中嗚
咽處吹徹老梅爭放悽愴太灑宸遊乍臨青闕土牛
簫鼓天街上人爭鬧報道紛紛綵仗簇擁勾芒刷子
序成行仕女檢春忙巧翦春幡綵燕雙雙試舞翩翩
鬪釵頭鳳凰惆悵偏我慮天涯人遠偏我慮山高水
長又慮他萍踪梗跡兀自滯他鄉好事近思量教我
轉悲傷空辜負景好辰良鳳樓此夕花燈月色交半
六街九陌見佳人攜手頻來往我如今虛度春宵

甚麼萬金難償錦纏道。迅時光早花朝催開衆芳紅。
紫鬪春粧最多情灞陵岸上柳絲百丈挽留住別離
車鞅畱不住教我徬徨。撓亂九迴腸。終宵魂夢空飛
到楚陽。未了平生願。錯教神女惱襄王。普天樂。愁似
織濃如釀。都鎖在春山上。怕林鶯嬌轉。笙簧看晴沙
浴煖鴛鴦。杏花出牆更羞看桃花。人面崔郎。四塊玉
初花風吹衣爽。催花雨拋珠響。心欲裂憔悴。姬姜眉
羞。鎮思張敞。鴻鱗久絕。便到言都。誰敢是托根桃
李場。他做不得坦腹東床。學不得待月西廂。怎做得
尾生死抱河梁。傾盃序。淒涼從君去。冷綉房寂寞靜。

梅花帳想揮泪陽關分袂情難約在端陽準擬還鄉
眼睜睜教我窮冬捱盡又過青陽一似楚夢沉湘天
便教人霎時相見又何妨玉芙蓉風和蝶戀香水暖
魚吹浪正園林開到荼蘼海棠乍晴乍雨花容老輕
暖輕寒愁味長這相思病自別來盡償總朱顏消瘦
不比舊時麗雁魚錦幾回悶倚闌干望錯疑是隔斷
迷漫烟水蒼蒼待凝神想來依然遼絕千山萬水天
一方使我江雲渭樹空懷仰懷仰他多情個儻教我
涕滿秋眶他那裡燕飛不識烏衣巷我這裡寂寞春
風王謝堂千秋歲試羅衣又平清明候約女伴踏青

遊賞紅杏村中、紅杏村中、只見一枝高掛牆頭、酒豎
那當爐喚酒娘、遊人都解下金貂、當體想文君蕩臨
邛司馬、夜共逋亡、小蓬萊歡娛事、皆已往、淒涼事、總
盡償、雲迷楚峽、空餘嶂彩鸞飛去、臺虛敞、秦樓竟沒
簫吹響、每日家教我、怨恨裴航、古輪臺燕雙雙、差池
上下掠風狂、晝長院宇重門曠、穿簾入幌、更低度重
簷、銜泥來往壘巢忙、似有約、含情頡頏、畫棟烏衣巷
一帶芹香、把別離情況、織就烏棚賦、短章我如今欲
煩飛燕、暫停雲翦、聽奴暗囑、遙寄薄情郎、都不解、銜
將春色去、昭陽越恁好、落花飛去、滴溜溜、過短牆、點

點胭脂雪錦疊砌綉鋪塘亂紛紛絮狂亂紛紛絮狂
白漫漫似雪飛占斷平康靜陰陰綠蔭嘈咕咕鷓鴣
兒打點送青皇一春事少年時可惜都骯髒不由人
不題名罵那薄情阻攔尾聲啼來有日同鴛帳還問
他別來無恙只怕他做了天涯一浪蕩

念奴嬌序

出塞

梁伯龍

龍荒萬里正風高紫塞迢迢遙千古長城落日寒原凝
望處茫茫極北雲平連亘白狄臨關黃河夾地胡兒
千隊此馳騁合還自許終軍早歲獨請長纓前腔堪
哽陰憐耿耿見白骨滿野烏鳶螻蟻相慶萬壘驚沙

探騎急，黑夜移營傳令還。逞首着初肥，葡萄新熟酪
裘十萬盡精英。(合前)前腔愁聽破納沙頭，受降城上
斷鴻殘角總邊聲。烽埃直，烽埃直，見月下歸來殘兵。
飛警雪，迸金笳。雲崩鐵騎，祁連黠虜正憑凌。(合前)前
腔冥冥殺氣侵雲獵，聲沉塞新來降騎說蕃情。麟閣
迴麟閣迴，莫負三尺青萍。休驚北接莎居，西通疎勒
班超原是一書生。(合前)古輪臺鴈南征，西風吹急不
堪聞。胡天嘹唳空相應，音書難倩。况萬里臙腥，更誰
訪紅顏薄命。有西遣烏孫，一生孤另。有荒墳烟鎖草
青青。霜迷月冷，有崎嶇北汗胡塵。哀笳倚拍，家山何

處淒涼風景千載恨難平關河永遊魂無侶伴孤影
前腔閒評曾有擒虜王庭還又有殺敵居胥戰無不
勝竹帛丹青細屈指依稀名姓有年少封侯奇功難
並也有垂老轅門竟無成數奇不幸有白頭北海飄
零淹雷朔地食糗嚼雪旌旄落盡成敗古難憑但願
輸忠蓋君不聞男子重橫行尾聲天王借十萬兵會
看取單于繫頸直待要踏破燕然再勒銘

新刻羣音類選清腔卷四

新刻羣音類選清腔卷五

虎林 胡氏 文會堂 校選

雙調 有僊呂入雙調者

步步嬌一套

閨情 大歌帖 此套有南北調者在後

李愛山

暗想當年羅帕上詩曾寫偷縮下鴛鴦結他心猿弄
意馬劣都將軟玉嬌香嫩枝柔葉琴瑟正和協不覺
花影轉過梧桐月（沉醉東風）一團嬌香肌瘦怯半含
羞粉容輕貼微笑對人悄說休忘了今夜等閒間將
海棠開徹把山盟共設不許片時暫撇若有箇負心
的教他隨燈兒便滅（忒忒令）他殷勤將春心漏泄我

風流寸心終拙，因此上楚雲深鎖黃金闕，休把佳期
頓撇。湘江竭，燕山截，斷魚封雁貼。好姐姐自別逢時
遇節冷淡了風花雪月，柔腸萬結，怎禁窓外鐵無休
歇，好似珮環搖明月，又被西風將錦帳揭。桃紅菊滑
城人肌膚瘦怯，楚天秋難禁並疊，停勒了畫眉郎京
尹，補填了東陽令滿缺。雙蝴蝶嘆嗟歡喜事能幾些，
痛切相思病無了絕，朋友每知疼熱，早收心與你箇
寧貼。待捨想着他嬌模樣，教我怎生樣捨，待撇想着
他至誠心，教我怎生樣撇。園林好也傷我連枝帶葉，
致令得狂蜂浪蝶，鬧炒起歌臺舞榭，回首處楚雲遮。

堪嘆處，彩雲賒。川撥棹，成吳越，怎禁他人搬。鬧諍，平
白地送，暖偷寒。猛可的搬唇通舌，水晶紈不住撇。點
鋼鈿，一味掘。錦衣香，楚館焚，秦樓拽。洛浦填，涇河截。
梅家庄，水碓湯瓶，打為磁屑。賈充宅，守定粉牆缺。武
陵溪澗，花兒釘了椿樞。楚襄王，夢驚漢相如。砍番車
轍，深閉芙蓉闕。紫簫吹裂，碧桃花下，把鳳凰翎毛生
扯。粟水令響，當當菱花碎。跌側楞楞，冰絃斷截。忔支
支，同心帶扯。咕叮當寶簪，墮折。採蓮人，偏向並頭折。
比目魚，就池中冷水燒熱。連理樹，生砍折。打撈起御
水流，紅葉藍橋下。浪滾滾，波濤捲雪。祇神廟焰騰騰。

火走金蛇有結果，煞饒君總把機謀設。瞞不過負心薄劣，除非是夢兒裡對他分說。

步步嬌一套

端隱

王陽明

宦海茫茫京塵渺，碌碌何時了。風掀浪又高，覆轍翻舟是非顛倒。算來平步上青霄，不如早泛江東棹。沉醉東風亂紛紛，鴉鳴鵲噪惡很很豺狼當道。兀費竭民膏，怎忍見人離散。舉疾首感額相告，簪笏滿朝，干戈載道。等閑間把山河動搖。忒忒令平白地生出禍苗。達天理那循公道，因此上把功名委弃如蒿草。本待要竭忠盡孝，只恐怕狡兔死走狗烹，做了韓信的

下梢(好姐姐)爾曹難與共朝真和假那分白皂他把
孽冤自造到頭終有報設圈套饒君總使機關巧天
網恢恢不可逃(嘉慶子)算畱侯其實見高把一身名
節自保隨着赤松子學道也免得向雲陽赴市曹(雙
蝴蝶)待學陶彭澤懶折腰待學戴西施范蠡逃待學
張孟談辭朝待學七里灘嚴子陵垂釣待學陸龜蒙
筆床茶竈待教東陵侯把名利拋(園林好)脫下了團
花戰袍解下了龍泉寶刀却下朝簪烏帽布袍上繫
麻縹把漁鼓簡兒敲(川撥棹)深山杳悄沒個閑人來
聒噪跨清溪獨木為橋跨清溪獨木為橋小小的茅

庵蓋着種青松，與碧桃，採山花與藥苗，錦衣香，府庫
充何足道，祿位高，何須較，從今耳畔清閑，不聞宣召，
蘆花被煖，度良宵，三竿日上，睡覺伸腰，對鄰翁野老，
飲三杯濁酒，村醪醉了，還歌笑，勦勦睡倒，不圖富貴，
只求安飽，漿水令賞春時，花藤小轎，涼時紅蓮短
棹，稻登場，雞豚鱉蟹，雪霜寒純，綿布袍，四時佳景，恣
懽樂也，強如羽扇，翻麤玉珮，趨朝溪，堪釣山，可樵人
間自有蓬萊島，何須用，何須用，樓船彩轎，山林下山
林下儘可逍遙，尾聲從來得失知多少，總上心來轉
一遭，把門兒閉了，只許詩人帶月敲。

步步嬌一套

閨情

滿目繁華春將半，回首情無限，西樓畫捲簾，芳草萋
萋，野花撩亂，斜倚畫闌干，把江南雲樹相思遍。（忒忒）
（令）理冰絃，將離懷自遣，未彈時意慵心倦，詞調短寫
不盡心中愁，怨空冷燼玉爐烟，又早見風兒細，月兒
明，花陰半轉。（園林好）只為他蘭香懶燃，只為他金盞
懶拈，只為他被姊妹們輕賤，只為他意懸懸，只為他
恨綿綿。（香柳娘）漸香消玉減，漸香消玉減，青鸞羞見
啼痕滴，損桃花面，怕黃昏到也，怕黃昏到也，衾冷倩
誰溫，枕孤有誰伴，自長吁短嘆，自長吁短嘆，把心兒

暗思口兒頻念，好姐姐可憐，正淒涼未眠，冷清清把
紗窗半掩，更長夢短，使人愁悶添，真堪怨，冤家倒把
誰迷戀，不記得花前月下言，雙蝴蝶恨天嘆，紅顏多
命蹇，恨天負心的音信遠，捱不過夜如年，寬褪了兩
行金釧，恨天杳沒箇便人兒，將我心事傳，恨天空教
我卜金錢眼望穿，玉胞肚薄情心變，頓忘却香囊翠
釵，只為他假話虛言，哄得人意惹情牽，朝思暮想病
恹恹，只落得瘦怯怯，花容不似前，玉交枝時光似前，
送青春催着少年，看雙雙花底鶯和燕，怎教人獨宿
孤眠，他在紅樓翠幙醉管絃，竟不念我寒燈暮雨空

腸斷訴不盡離愁萬千，訴不盡淒涼萬千，撥掉新
思遍，恨冤家忒行淺，不記得海誓山盟，不記得海誓
山盟，不記得羅幃鳳鸞，不記得畫屏前，不記得枕兒
邊，僥僥令蒼天還念我，再結此生緣，有日相逢重歡
宴，把好話綢繆，春晝短，尾聲殷勤寄與南來燕，使情
人心回意轉，花再芳，時月再圓。

步步嬌一套

代寄姑

梁伯龍

一夜梧桐金風翦，敗葉空廊，離愁有萬千，夢入蘭
心，芳香不變，目斷碧雲天，把西樓東角，閑凭遍，忒忒
令記初見，在春風綉筵，又暮遇在夜香庭院，花枝妖

娘似趁風兒顫人叢裡信難傳人叢裡信難傳又誰
知背畫闌把秋波暗轉尹令自別去心畱意眷再沒
處尋芳覓便誰道渡頭重面還似舊時迷戀路整藍
橋肯負前生未了緣品令娘行為何再入武陵源池
亭深處恰是降飛仙幽期密訂去留多腴腆太湖石
畔只恐怕他人瞧見帶縮同心共結東林祇樹邊萱
葉黃夜深沉漏滴銀鎖兒空懸挽青鸞翅入重樓挽
青鸞翅入重樓親受用香溫玉軟一時纏繞釵橫髻
偏真個是水雲中的鸚鵡真個是水雲中的鸚鵡看
遺却花鈿零落在銀屏錦鞦玉交枝舞衫歌扇戴御

卿西江畫船紅衣濕處清波濺並頭開徹雙蓮絲絲
柳條風渚牽瀟瀟竹影溪雲淺擁鴛衾落月未眠酒
初醒猶聞香燭(月上海棠)最可憐懽娛未了生難怨
恨片帆東去甚日重還霎時間翠減香消頃刻裡山
長水遠重罰願願年年相見勝是今年(江兒水)江水
明於練秋雲薄似綿柰扁舟飄忽如飛箭看床頭翠
被餘香捲囊中秀髮和愁纏怕覩社前歸燕何日重
來還向舊家庭院(川撥棹)詩題絹淚斑斑成翠蘚夜
迢迢展轉無眠夜迢迢展轉無眠洞房虛孤燈慘然
似枯枝泣露蟬似風前哭杜鵑(嘉慶子)腸斷篴簫第

五絃柰萬事傷心在眼前總風波倏起平川誓把衷心鐵石堅願頻頻晉信傳莫教人
眼望穿尾聲歸舟有日還重見那時節錦堂懽宴銀
燭高烧繡帳懸

步步嬌一套 閨怨

昨夜春歸今朝夏時序如翻掌相思惱斷腸只怕愁
病無情減却容光血泪漬成行點點滴在青衫上
坡羊綠陰陰竹梢初放碧沉沉荷錢較長紅潏潏榴
花漸舒白茫茫麥隴翻銀浪雨乍晴園林梅子黃時
移物換物換人何向種種思量般般惆悵淒涼半開

念半掩窓，悲傷半思郎。半恨郎。（五更轉）納稼時離鸞
帳，到如今又插秧。南鱗北鴈，北鴈頻來往，自設一紙
書來，慰奴懷想。向晚來空倚定危樓望，朝雲暮雨暮
雨和誰講。除非夢裡重逢，和你徘徊半晌。（園林好覺）
來時愁魂半床，那人兒依然在兩廂，只落得千聲悵
悵，端的是怎推詳。端的是怎推詳。（江兒水）腫起嬌無
力，窮愁莫可當。聽叮咚風韻簾鉤響，清溜溜竹夾茶
烟漾。亂紛紛日映晴絲蕩，渾攪碎離人情況。總有良
工，畫不就相思模樣。（玉交枝）綠窓虛朗，畫寥寥共誰
舉。芭蕉弄影搖書幌，一霎時過了。端陽怕夢魂驚

破追楚裏眉兒淡了思張敞待見他山長水長待放
他情長意長(玉胞肚)南薰薦爽夕陽陰看看過牆聒
噪些蛙鼓蟬琴簫索了蝶板蜂簧中心怏怏無明無
夜費思量倩托何人遠寄將(玉山頽)精神惚恍這滋味
何曾慣嘗觀花鈿粉面流脂透酥胸汗雨揮漿燈
花鵲噪到此都成虛誑命薄多磨障意傷禮停鍼無
緒綉鴛鴦(三學士)花情酒債何時了償經幾度飯費
茶荒歲蕤懶傳何郎粉寂寞羞添賈女香心為遠懷
縈百丈魂消處逐去檣(解三醒)錦葵開有誰宴賞記
昔日歡娛在畫堂今日裡浮瓜沉李沒心想盈盈泪

浴蘭湯，趁微涼。款步出洞房。悶數歸鴉立小廊。聲嘹
唳。採蓮歌。何處晚渡橫塘。川撥棹舉目誰親傍。對三
星。禱夜央。倘冤家杳隔在瀟湘。倘冤家杳隔在瀟湘。
幾時得榮歸故鄉。辦定誠叩上蒼。奈愁城未肯降。嘉
慶子瘦瘦損。龐兒淺淡粧。怪暮鼓晨鐘特地忙。早知
道今日恓惶。早知道今日恓惶。爭似當初不識強待
相忘。不敢忘。待相從。路渺茫。僥僥令蜻蜓飛兩兩。燕
子語雙雙。偏我海誓山盟都是謊。番做了五更頭夢
一場。尾聲擲金錢卜得的當。只怕歸來鬢已霜。怎能
殼身生兩翅飛到伊行。

步步嬌一套 記情

張叔元

目送香車投東去，却赴孤舟裡，分離頃刻時，正是咫尺天涯，無盡相思，滋味有誰知，展轉懊恨長亭路，山坡羊，碧騰騰江雲紛聚，軟颼颼金飈乍起，那正值霜朝試寒，更堪憐，令節重陽際，見遠籬黃花已滿，披何綠萼帽，又豈登高避，回首茫茫前，征靡靡，淒其似孤鴻嘹唳，啼歲蕤，伴孤鴻蘆荻栖，五更轉石頭城煙霧底，早疎林月半窺，臨觴獨自，獨自長吁氣，且索強酒支吾，奈愁腸不帶，擁寒衿，屈指把更籌數，高唐夢杳，賦就成何濟，拚得個潘鬢沈腰，搖落悠悠千里，鬪林

好想新秋重來帝畿喜殷勤相過慰遠離慢追省分
襟風雨只落得兩猜疑只落得兩猜疑(江兒水)緩步
秦樓悄挑銓珊枕款啓朱唇道我忘恩義撲簌簌淚
眼頻凝睇一聲聲怨把新人繫願托終身依倚三載
丹誠惟有皇天鑒取(玉交枝)披衷數語信芳心金石
堅持當初盟誓今猶爾豈區區薄倖男兒鷓鴣若擬
奮天遠鴛鴦管取浮波裡數年來雙魚信稀悔今朝
相逢較遲(玉胞肚)前歡幾許感卿卿皓首為期又何
須綠綺傳情端的望舉案齊眉教人暗憶雖然故國
有明妃肯效虧心辜負伊(玉山頽)西風斂羽凭危樓

如醉如痴，因英雄兩字功名，滯姻緣，棄李芳姿，一般
偃蹇，雨下同擔，淒楚對掩黃昏，兩涕交頤，啼痕破粉，
更因誰？（三學士）只指望早遂于飛，却難道拆散東西，
霜風未得乘鸞，翥麗日應教跨鳳吹，拋閃暫時，非容
易，千金諾，忍相違，解三醒，甫約定春宵，連理，幸良媒，
感慨恩私，押衙自古誰為侶，虞侯而今獨有渠，只為
行囊羞澁，蠅頭利，翻令翠館淹畱，燕爾期，休憂慮，謝
君家疏財，成就須有日，足繫紅絲，川撥棹，念你孱孱
體，溷風塵，濁水泥，但從今要珍重蘭閨，但從今要珍
重蘭閨，莫顛顛，額玉腕香肌，挨寒冰，六出奇，瞬息間關。

芳菲嘉慶子懶懶將心事向人題我叮囑都詳一首
詩看玉墜今已牢携看玉墜今已牢携覩物休教越
慘懷盼關山衰草迷儘恹恹寄尺書僬僬令香囊花
勝縷羅帕斷腸辭道是月下燈前親針指付與我好
開懷日夜隨尾聲船頭細把風流紀字字恩情字字
悲真箇地久天長永不移

步步嬌一套 四卷

歡喜冤家難相離鎮日心縈繫衷腸訴與誰不合情
多惹下相思泪咲我自痴迷眼睜睜不看傍州例江
兒水想起初逢日乍見時指山高海闊為盟誓似漆

投膠相粘住如糖伴蜜甜言語哄得我輸情輸意今日裡苦淡酸辛都做了愁中滋味園林好起初時願白頭終身靠伊到如今剩隻手孤身靠誰早知你口是心非把盟山為地上泥將誓海為溝內水人月圓悔悔後應遲悔之又悔病纏身都為你瘦怯怯強自支持病恹恹無方療醫負心的人易欺昧心的天怎欺前腔喜喜那當時喜之又喜兩情濃無彼此情纏綰酒泛金卮意綢繆春生綉幃得便空你自知落便空我自知五供養托恩情說起似鸞交鳳友相儂惟嫌夜短恣歡娛那知更籌有幾一般樣銅壺漏水今

夜裡聽來滴下偏逢余寒心獨苦枕冷淚雙垂
瘦去夢斷魂迷(僥僥令)信無三月雁愁有五更雞把
萬恨千愁重題起都鎖在纖纖兩道眉(前腔)閑中空
懊惱靜裡自尋思想起負德辜恩無如你受盡了凄
涼更有誰(尾聲)芳心已作沾泥絮不逐東風上下飛
一任鶯老花殘春自歸

步步嬌 一套 閑悠

萬里關山音書斷阻隔南來鴈欲將心事傳天樣花
箋寫不盡相思怨滴泪問金錢精神恍惚恍惚難推
算(江兒水)玉腕鬆金釧羅帶寬朱顏不覺愁中換去

燕啼來人，不見料想，迷留風月烟花館。俺這裡寂寥
無伴，要解愁腸，盃酒頻斟誰勸。園林好，夜無眠，嘆嬌
娥孤獨在廣寒，照人間千愁萬歡。步蒼苔露冷金蓮，
惜花殘，嫌月圓。惜花殘，嫌月圓。人月圓，敢敢在秦樓。
到看管絃，惡姻緣非偶然。何日裡重跨青鸞，俏臉兒
和誰並肩，不由人不泪漣。不由人不泪漣，箭腔箭剪，
斷連枝，分開並蓮。把鴛鴦一雙雙拆散，杳然將菱花
擊破，何日裡再團圓。何日裡再團圓，五供養香消玉
減，怎當他多病多纏。幾番勉強，恹恹眉峰不展。又
聽得誰家庭院，朱絃金尊空琥珀，寶鼎冷龍涎。一春

辜負了海棠花前，（僥僥令）雕鞍何日轉，（目）眼甚時。
一似線斷風箏，尋不見好夢也難成，（袞）枕單，（箭）脛天。
台風月遠，楚館雨雲懸，一似祇廟烟飛，（燕）橋斷，好事
也難成，春夢短，尾聲。東風桃李飛，庭院落盡殘紅啼
杜鵑，可惜淒涼三月天。

步步嬌 一套 閨情

蝶倦蜂愁，鶯無語，門掩蒼苔雨，傷情聽子規，野樹江
雲倩誰為主，萬縷綠楊枝，如何挽得春光住，（江）兒水，（轉）
眼春歸去，人未歸，顛狂性格風中絮，細雨梨花重門
閉，青烟渺渺，迷津渡，水上浮萍何處，燕子雙雙，鎮日

令人延佇(園林好)惜春心與殘花共飛斷腸人把闌
干悶倚盼天涯芳草萋萋仗東君傳信息要相逢知
甚日(人月圓)約在園林花叢徑裡色侵肌香沁體全
不念舊日歡娛到如今風狂露淒想人生能幾時想
人生能幾時(前腔)喜得今宵天清月輝逐花陰步款
移對姮娥俏問端的到明朝陰晴怎知那其間好護
持那其間好護持(五供養)無情逝水向東流不管別
離落花經雨濕胭脂春光有幾聽鷓鴣聲裡斷送三
菲簾櫳多寂寞心事苦淒其這般怨恨更有誰知(僥
令)峭寒生院宇此景怎畱題綠暗紅稀春去後人

靜也烟籠欲暮時前腔殘燈空結蕊魂斷意如痴
夜迢迢添淒楚衾枕冷無眠更漏遲尾聲一春魚雁
無踪跡挫過風光九十桃李含羞帶雨啼

步步嬌一套定思

悲歌七月秋風緊流淚沾衣冷忙騎瘦馬行尚未天
明殘星耿耿難認遠峰青騰騰的轉過轉過黃花徑
江兒水轉過黃花徑三五程思親魂夢方纔醒茅店
雞聲南北應那堪落葉秋風冷咽破寒蟬難聽征鐸
鈴鈴山路竟無窮畫園林好共徑行正霏霏秋雨惱
人情又不知牧童在何處弄橫笛兩三聲慘人這其

間欲斷魂人月圓客邸閑雲一片情看山泉處處
傾高林下聽得鳥鳴嚶嚶高林下聽得伐木丁丁野
菜沿籬黃蝶遶野人家少四鄰野人家少四鄰前腔
野野渡無人短棹自橫鹿成羣沙雁過汀正值黃昏
時候天色淡雨初晴天色淡雨初晴五供養烟光漸
暝閃閃寒鴉歸去幾陣寒蛩聲唧唧不堪聞昏鐘已
鳴怎能覈到他漁火江村相伴他秋鴈與寒雲看看
明月轉上蒼冥（饒饒令）郊原秋色淨蘆葦晚風清只
聽得摘菓哀猿聲相應不見重門也何時入帝城尾
聲江村無限吟詩興拂拂迢迢弄秋景一段丹青難

畫成

步步嬌一套 題畫卷

梁伯龍

目斷秦樓吹簫侶，溫潤還如許，連城價有餘，遙想風
姿似洞林琪樹，素質定何如，笑裝航空覓藍橋杵，江
兒水曾記梁園遇，合浦歸，謝家庭下空延佇，似幾點
輕盈垂楊絮，一枝寂寞梨花雨，二十四橋何處，教徹
鸞觴綠，細向月中歸去，園林好，初疑是在藍田故居，
又道是在荆山舊墟，更想像在崑崙深處，誰知生碧
府，長清都，生碧府，長清都，川撥棹，瑤臺路，見飛瓊下
紫虛，水晶簾隱約冰膚，水晶簾隱約冰膚，雲母屏依

佈畫圖珮環聲疑有無珮環聲疑有無五供養酥胸
皓齒更有冰心一片誰知堅貞還軟弱光瑩又芬敷
春纖塵尾試掩映一般無二琅玕開竹圃秋水出芙
蕖不讓陳宮後庭花樹僥僥令梅英春綻後蕙草雪
消初只見歌斷泠泠山泉溜舞罷也亭亭海鶴孤尾
聲書中有女應無數但不似舊家秋娘如故須待當
年善價沽

步步嬌一套 題情

許然明

簾捲西風重門掩落葉閒珍簟秋婦六曲闌暮暮朝
朝前事思量遍金鴨晚香殘藍橋咫尺雲遮斷江兒

水記得虹橋畔綠水邊似亭亭出水芙蓉艷
歌眉先歛隔花無那關情伴脉脉楚天人遠江上
峰夜夜波澄如練園林好在想像似凌波洛仙更
佛是臨春舊歡想璧月瑤枝猶燦又底事臥雕簷將
梅辨貼花鈿川撥棹尋常見駐清都隔紫烟為前盟
未了塵緣為前盟未了塵緣下蓬山遊行世間照雙心
寶鏡圓五供養秋期已半天上宮闕今夕何年雙星
低碧漢瓊島會羣仙露涼雲淡正寶地花宮願滿娟
娟華月爛何用絳紗懸三五風光百千纏繞僥僥令
綺疏雲易散青鳥信空傳自笑多病臨卮題柱客孤

負也。但只對文君，澣翠殘尾聲。紅銷風蠟，情非淺且。
點檢舊日舞裙歌扇，肯容易輕將洛浦填。

步步嬌 一套 歡會

張解元

歡喜冤家重相見，一笑春生面。牽衣玉帳前，兩下相
思和泪都言遍。底事到埋冤，惡恨恨教我難分辨。
兒水眉自今宵展，心非昨日懸。花前未語先畱戀，半
似含羞半含冤。柳腰低向風中軟，把酒殷勤勸。頓
忘了別隔三秋，解盡了愁腸千轉。園林好我為你一
身病纏，我為你雙眸望穿關山遠。有信難傳，把歡娛
地做了離恨天。比翼鳥做了斷腸猿。好姐姐誰知良

綠未慳錦屏前又成歡宴瑤琴寶瑟一似續斷絃情
何限春亭闌草簾重捲夜閣看花月再圓香柳浪望
雙星在天望雙星在天佳期不遠夜深咲把重門掩
解羅衣向前解羅衣向前珊枕髻雲偏錦衾眠玉軟
把同心帶縮把同心帶縮鸞衾永圓芳心不變尾聲
山盟長與天同遠歡娛惟願夜如年他日相思處怎
忘得鮫綃上春一點

步步嬌一套

紀情

宴振之

紫雲臺上人年少丰韻天然妙桃腮映日天香滿梨
花淡月疎簾悄鶯兒學語嬌那更燕子銜春小香羅

帶輕料檀板敲慢歌柳腰羅裙半掩金步搖一聲何
處奏雲磬也有個郎君俏解金貂相如已辦求凰操
怎當他弄玉多情也又向秦樓吹鳳簫醉扶歸曲纖
纖謾寫蛾眉巧皎團團清轉月輪高嬌滴滴斜倚一
枝春喜孜孜暗送千金笑困騰騰漸把翠鬟低爇溶
溶不覺香肩靠皂羅袍想他那時來到猛可的見了
魂消粉珠香顆落紅綃含羞怕有燈兒照窓明竹影
月在柳梢綉幃錦幕春生翠翹這風情占斷巫山道
好姐姐相報于飛同效這恩情永結瓊瑤同心錦字
裁作合歡袍收為寶分明一幅鸞鳳譜切莫輕輕下

剪刀(香柳娘)想柳枝孃孃想柳枝孃孃翠雲蘭棹被
他寸寸柔腸攪更滄波浩渺更滄波浩渺帶雨晚來
潮幽恨添多少望雲山縹緲望雲山縹緲無限倚江
臯盡把離愁遶(玉交枝)自別全無音耗幾曾經這般
寂寥月下拜告星前禱都做了流水滔滔眉頭兒擔
不住離恨挑泪珠兒填不滿相思書兒呵難寄難
稍腸兒呵千條萬條(猫兒墜)斷腸時候正是并梧飄
不覺時光轉素杓鎖窓深處透金飈無聊怎禁那簷
兒外疎刺刺數竿瘦竹聲敲(僥僥令)遠愁含落照深
怨因鳴蜩瘦損孤吟黃花貌鬢短短髮瀟瀟(尾聲)相

思滋味都嘗了，有一日恩情滿飽，獨對東風咏小桃。

步步嬌一套 閨怨

簾控金鈎深閨悄，風動爐烟裊，淒涼恨怎消，望斷衡
湘底事，鱗鴻杳，獨坐悶無聊，把金釵劃損，雕闌巧，香
羅帶，幽窓倍寂寥，冰絃懶調，春纖未舉，先倦倒，斷絃
何日續鸞膠也，總有相思調，對誰挑，思君幾番成鬱
陶，便是暗擲金錢也，有甚心情辨六爻，醉扶歸，悶懨
懨，羞把菱花照，睡昏昏，慵整翠雲翹，覺離愁，應比舊
時多，看花容不似前春好，可憐辜負好良宵，多應是
別惹開花草，皂羅袍，可惱鬱人懷抱，嚮叮嚀鐵馬關。

風聲敲瀟瀟疎雨洒芭蕉，啾啾四壁寒蛩鬧，尋意摘
向臨風懶，蛾眉消黛，金鍼懶挑，虧心自有天知道。
好姐姐看他量如斗筲，沒來由教人談笑，翻雲覆雨，
都是奴命招，無消耗，滔滔水滸藍橋倒，烈火騰騰將
祆廟燒。香柳娘見紅輪墜西，見紅輪墜西，晚鐘聲報，
孤燈慘淡和愁照，聽譙樓畫角，聽譙樓畫角，嗚咽怨
聲高，令人越焦躁，舞秋風敗葉，舞秋風敗葉，把紗窓
亂敲，攪得我夢魂顛倒，尾聲薄情做事多奸狡，撇得
人來沒下梢，短嘆長吁，捱不到曉。

步步嬌一套

閨怨

楊德芳

卷之八

八

簾展湘紋新涼透。睡起紅綃皺。無言獨倚樓。一帶寒
江幾株疎柳牽惹別離愁。天迴蒼山瘦。香羅帶。匆匆
憶去秋。送他遠遊。兩情惜玉難分。頻將絲線繫蘭
舟也。淚洒湘江兩恨悠悠。蘋花點點迷白鷗。誰知一
別經年也。教我望斷孤帆落鷺洲。醉扶筇。搵啼痕濕
透紅衫袖。壓雲鬢斜。解玉搔頭對西風心逐伯勞飛。
望橫塘情亂鴛鴦偶。音書三月隔南州。向清波誰把
雙魚剖。皂羅袍。想起綠窓鬪酒。正一鉤新月楊柳梢
頭。心兒相洽意相投。羅襦紐解黃金扣。銅壺幽響銀
箭暗浮。薰爐香膩鴛衾翠柔。枕兒紅軟釵兒溜。好姐

怨恨他心不應口把歡娛翻成儼懔情兒泛泛還如
江水流風兒驟胭脂冷落芙蓉秀十二珠簾嶺上鈎
香柳娘看烟斜霧橫看烟斜霧橫夕陽時候天空倦
鳥歸林藪笑他行浪遊笑他行浪遊擾擾不知休營
凰冷琴奏聽猿啼遠岫聽猿啼遠岫岳色江聲漸收
不堪回首尾聲西風倚遍闌干久荻花楓葉冷颼
玉笛誰吹出塞愁

步步嬌

閨怨

唐伯虎

樓閣重重東風曉玉砌蘭芽小垂楊金粉消綠映河
橋燕子剛來到心事上眉梢恨人啼不比春啼早醉

扶婦冷瀟、風雨清明到、悶恹恹、難禁這兩朝、不思
量、寶髻插桃花、怎能禁、綉戶生芳草、無情挈伴到春
郊、鳳頭在、綉弓鞋巧、皂羅袍、堪嘆薄情難料、把婦期
做了、流水萍飄、柳絲暗約、玉肌消、花紅惹得朱顏惱
情牽意絆、山長水遙、月明古驛、東風畫橋、那人何事
還不到、好姐姐、如今瘦、添楚腰、病恹恹、離情懊惱、落
花和泪、都做了一樣飄、知多少、花堆錦砌、猶堪掃、泪
染羅衫、痕怎消、香柳娘、有問、兼、情、鳥、聲、起、者、非嘆陽關路遙、嘆陽關路遙、夢
魂顛倒、更殘蝴蝶、巫山杳、我心中恨着、我心中恨着、
雲散楚峰高、鳳去秦樓悄、怕今宵、琴瑟、怕今宵、琴瑟

你在何方弄調奴守紗窓月曉尾聲別離一旦生芳
艸畫棟涼生落燕巢可惜粧臺人自老

步步嬌一套

閨怨

金白嶼

花壓雕簷春風曉入幙餘寒峭水沉煙漸消殘夢初
驚隔窓啼鳥扶病倚亭皋綿綿幽恨連芳艸醉扶
頭亂紛紛蕤徑殘紅落暗沉沉柳絲寒翠銷意懸懸
去楚天遙恨悠悠夢斷秦樓杳那堪瀟索度花朝
空門掩却春光老皂羅袍對景暗傷懷抱見疎林斜日
掩映溪橋可憐淚逐落花飄不禁腸斷樓鴉噪愁催
潘鬢病添沈腰香枯青鎖塵埋紫簫天涯無計啼青

鳥（好姐姐）離魂幾番暗消，又聽得嚴城畫角，迴廊月
冷，閑將綠綺調，相思調。高山流水知音少，寡鵠孤鸞
祇自嘲。（香柳娘）更難禁此宵，更難禁此宵，庭幃人悄。
熒熒短炬殘輝照，想朱扉盡橋，想朱扉盡橋，曾整翠
雲翹。為把蛾眉掃，到如今恨着，到如今恨着，鴛衾寂
寥。魚書消耗，尾聲孤眠不穩，頻驚覺何處笙歌嚮碧
桃。立盡殘更天未曉。

醉扶歸一套

秋思

張靈墟

相思欲見渾難見，果然是別時容易見，時難見，時又
怕起波瀾。待教不見情難拆，見和不見兩頭擔，只索

向林邊夢裡尋方便，步步嬌急煎煎，夢破陽臺遠。
雨誰收管，屏山烟樹前，天上人間物換星移，盼不到
羅袖籍香肩，只消受得疎櫺月清淺。
江兒水陌上朝來遇，匆匆欲語難，隔簾彷彿梨花面，行人回首魂
俱斷，東西岐路成長嘆，似月被雲來遮掩，縱有藍橋
渡不得眼前天，斬園林好嘆一刻千金果然，盼一紙
萬金難換，何事彬陽無雁自隔斷，玉門關再不到大
羅天。五供養夜涼冰簟欹枕無眠意，惹情牽，舊愁流
水逝，新恨海潮添，轆轤展轉，柰金井碧梧人遠，不教
懽會少，只怕別離難，燃指光陰又經時變，僊僊令玉

簫期跨鳳寶瑟托啼鵲勝事春心渾拋閃抵多少一
尋思一惘然尾聲月明冰上酬心願兩帶雲尤不羨
仙將一段衷情對面傳

玉交枝一套

戒邪

青樓滋味畧嘗此便要知機山猿野馬難拴繫似桃
花風裡翻飛同生共死都是虛山盟海誓牢籠計信
着他分明是痴戀着他分明被迷(前腔)調情調意要
知音眉高眼低機關打破方伶俐認真的有甚便宜
假若你聰明軟款會施為只落得撚酸擔苦空淘氣
沒來由常擔干計沒來由常惹是非(不是路)子弟須

何百計千方要准備。婆娘意十分難重更難依。忽心
癡撞入他迷魂陣圖裡。暗箭明鎗難躲避。相遭際請
君猜個烟花謎。有頭無尾。有頭無尾。調角兒閃得人
意蕩魂飛。弄得人眼花心昧。鎮終朝握兩携雲空指
望並頭連理。只怕他面情長。心倖短。空頭多。真話少。
霎時抛弃。風流佳趣。誰曾到底。總然是如膠似漆。終
要分離。箭腔識趣的。有話須題着。人的有乖休使。但
得手須要瞧頭。要弄人還須度已。休得要擅家懷窮。
孝順假慈悲。虛幫襯。冷聲熱氣。麗春園內。終無碑記。
你若是一回頭不早。終作烏龜尾聲。風流子弟須牢記。

那養漢的是驛遞裡鋪陳趕脚的驢切莫要貪他成把戲

夜行船序一套

春游近偷入梁山伯及
阮江樓記亦入絃索

戴善甫

花底黃鸝聽聲聲一似喚人遊戲東風裡玉勒雕鞍
爭馳佳時日暖風和偏稱對景尋芳拾翠遙指隱隱
杏花村深處酒旗搖曳箭腔迤邐曲徑芳堤競香塵
不斷往來羅綺亭臺上急管繁絃聲催雙飛蝶舞花
枝鶯轉上林魚遊春水芳菲點檢萬花中昨夜海棠
開未關寶蟾堪題綠柳陰中見鞦韆高架綵繩飛起
是誰家仕女雙蹴嬉戲相宜奇花映粉腮輕風蕩綉

衣動情的，正是遊人牆外，笑聲牆裡，前腔聽啓春色，
三分一分塵土，二分流水，向花前共樂，莫負良時，歌
妓低低唱小詞，雙雙舞柘枝，可人意，間竹桃花相傍，
小橋流水，錦衣香，芳草池魚遊戲，翠柳堤鶯聲細，只
見仕女王孫幕天席地，高挑一架，開竿兒深深步入，
杏塢桃溪對良辰美景，想蓬萊也，只如是，休把閑愁
繫，且圖沉醉，光陰迅速，人生能幾，聚水令，正相同尋
芳未已，柰紅輪已覺墜，西海棠枝上，子規啼，聲聲是
他喚着春歸，花陰下，人似蟻，花藤轎兒，雕鞍騎，相隨
趁相隨，趁風流隊裡，拚沉醉，拚沉醉，醉扶歸，收好音

煞今宵共約同歡會先教從人啼去安排辦下眠蓆

夜行船序一套 春游

堪賞花朝見遊人如蟻競出西郊長亭上翠檣提壺
歡笑迢迢綠水人家偏稱燕子雙雙飛遶黃鳥睨曉
柳陰中深處為誰啼早箭腔妖嬈百紫千紅被東風
一夜趲教開了花陰下曲水流觴喧鬧高桃食壘花
籃紛紛擁簇雕鞍藤轎偏遠只聽得賣花聲滴滴溜
叫來輕巧鬪寶蟾堪描蹴鞠齊雲映鞦韆庭院綺羅
圍遶見三三兩兩嬌滴花貌波俏金蓮露絳綃玉釵
聳翠翹咲聲高正是無情却被有情縈惱箭腔芳草

莫碾香輪趁青青畱與醉眠一覺那王孫去也玉勒
西郊妖嬈緋桃噴火燒輕風似剪刀亂飄飄可惜殘
紅滿地更無人掃錦衣香過畫橋風光好靚粉墻園
林好只見戲水鴛鴦浪翻碧藻歌樓檀板謾輕敲不
如載酒共泛蘭橈玩江山景物又何須閨苑蓬蒿休
得閑煩惱且開懷抱功名分在龍門一跳飛水令嘆
匆匆鶯花易老謾騰騰紫陌路遙酒旗斜插杏花梢
何妨共入痛飲香醪拚沉醉沉醉倒春衫袖濕欹花
帽須知道須知道離多會少同歡笑同歡笑笑解金
貂尾聲從教酩酊玉山倒洞口桃花休笑拚一醉酒

夜行船序一套 吊古

楊鐵崖

霸業艱危，嘆吳王、端為苧羅西子。傾城處、粧出捧心，
嬌媚奢侈。玉液金莖，寶鳳雕龍，銀魚絲鱸，遊戲沉溺。
在翠紅鄉，忘却臥薪滋味。前腔乘機勾踐，雄徒聚干
戈，要雪會稽羞耻。懷奸計，越賂私通，伯嚭誰知。忠諫
不聽，劔賜孺，靈胥空死。狼狽不想，道請行成，北面
稱臣不許。闕寶蟾堪悲，身國俱亡。把烟花山水等閑
無主。嘆高臺百尺，頓遭烈炬。休覩珠翠總劫灰，繁華
只廢基。惱人意，耐范蠡扁舟，一片太湖烟水。前腔

聽啓樵李亭荒，更夫椒樹老。浣花池廢，問銅溝、明日
美人何處。春去楊柳水殿，歎芙蓉池館，摧動情的。只
見綠樹黃鸝，寂寂怨誰無語。錦衣香館，娃宮荆榛，
響屨廊莓苔，可惜剩水殘山，斷崖高寺，百花深處。
一僧歸，空遺舊跡。走狗鬪雞，想當年僭祭，望郊臺、淒
涼雲樹。香水鴛鴦去，酒城傾墜。茫茫練瀆，無邊秋水。
飛水令採蓮，涇紅芳盡，死越來溪。吳歌慘悽，宮中鹿
走草萋萋，黍離故墟。過客傷悲，離宮廢，誰避暑。瓊姬
墓冷，蒼烟蔽空原。滴空原滴，梧桐秋雨，臺城上臺城
上。烏夜啼。尾聲。越王百計吞吳地，歸去層臺高起。只

今亦是鷓鴣飛處

夜行船序一套 題情

翠擁紅遮錦香叢勾住採花蝴蝶
飈風月只為多情
禁些擔些頓使綢繆偏令愛惜
愈加疼熱併也準備
下鬼門關心願對海神同設
前腔兒的夙世冤業却
如何一見兩情牽掣
歌臺上一曲霓裳清絕
嬌絕粉黛輕勻蛾眉淡掃
晚粧初卸覩他便是那潘郎丰韻
比他何別酬寶蟾曾寫鷓鴣新詞
向尊前花下彩雲歌徹
斷人腸誰送一紙書摺
虛說石榴花已開玉人
音信稀那時節問殺離愁
萬種寸心千結前腔歡悅

割地歸來似天仙降下，藍珠宮闕喜釵分，再整絃斷
重接聽說花兒插在瓶簾兒放下些，敘離別喜殺書
幃半掩把燈吹滅錦衣香喜的他，心兒熱怕的他性
兒劣，一向閉言不許差迭，端詳穩重又貞潔，全無半
點假意虛撇，更聰明文雅，酒兒中件件清切，洒落風
流也絕與人別，冰肌玉骨瑩然朗徹，漿水令想當初
相逢狹邪，武陵溪短棹輕楫，歌聲宛轉，髻欹斜，近船
呼出醉眼也斜，天涯去雲水賒，陽臺夢兒空做此，誰
承望，誰承望，到底和協，今日裡，今日裡，始得寧貼尾
聲，從今共把山盟設，不許負心薄劣，這段情詞畱在

怕兒上寫

閩寶蟾一套

閩情

陳秋碧

點檢梅花見南枝春信漏泄今宵雪糝糊可堪半壓
寒梢依稀暗香動且浮疎英嫩又嬌正無聊著意看
花却又被花相惱箭腔清曉眉黛慵描整殘粧無語
向花微笑惜花人此時音問寥寥凭闌天寒縞袂薄
風輕繡帶飄自今朝一捻腰肢寬掩翠裙多少忒忒
令任雪花梅英闌巧憔悴人暗傷懷抱此情若與天
知道離恨比天更高果然是天知道和天也瘦了五
供養青山頓老誰收拾滿地瓊瑤蒼苔冬暮景舉目

一條笑我因花起早聽滿耳靈禽喧噪不報此

喜意熱北風吹面利如刀好姐姐一文符昏情

孤另另銀缸相照把燈兒慢挑和衣剛睡看誰驚

寒指冷難成調偷弄飛瓊碧玉簫川撥棹難猜料

自來這讀書人心性喬早帶上金屋嬌姿早帶上金

屋嬌姿頓忘了臨印故交漢相如恩愛薄卓文君緣

分少錦衣香闌珊了錦字詩差錯了瑤琴操叙分了

交股金帶折了連環套鳳凰簪鏤玲瓏那得堅牢

桃花源上不通潮傷心總是兩葉風條連枝樹近來

也生成恨種愁苗魚雁無消耗水闊山高紅絲繫足

誰把冰刀雙繳漿水令不索將蒼穹禱告一任他傷
人戲朝盟香夜夜對天燒幽情未訴意攘心勞從前
事都忘却只求眼下他來到鴛鴦被鴛鴦被重薰麝
腦銷金帳銷金帳慢飲羊羔尾聲愁容等得生歡笑
說甚暮冬天道番成月夕花朝

三十腔一套

閒情

薄情種這些時在何處廝哄可曾知我悲痛暗想當
初兩下裡春心動都在秋波相偷送那時猶記伊西
戎東心眼相調弄日日相逢疑是夢不及夢裡相逢
倒得成愛寵覺來時撲個空他脉脉我懸懸其日得

相親奉一點靈犀已通未通遙想去年今日此門中
回首又隔三冬情知道後生心性怎禁得恁從容况
他風流名重誰不知烟花總領雨雲先鋒慢說平生
燕鶯踪知他多少經趨奉輕薄體一似狂蜂蝶點破
名園萬處紅多才多藝不與人同薄情薄倖也無人
共尋思起總是沒梁楨何也花香酒濃那裡也綠
遮紅掩枉將人調得心腸冗卽漸有始無終幾時得
舞低楊柳樓心月歌盡桃花扇底風那時節咱乘鳳
你跨龍暢好的會受用星眼朦朧猛驚起又日高花
影重兩箇黃鸝枝上弄腰圍減金釧鬆懶把雲鬟攏

不展眉峰聳愁殺晨雞與暮鐘十二箇時辰幾曾空
最苦是三更裡偏長求這相思却見揔比較他時分
外濃花開桃李春風葉落秋雨梧桐從今再不如前
卿濃把行雲鎖住巫峰掣開鸚鵡出金籠拘鶯燕入
芳叢管取這機謀中真心怎肯將伊哄虛脾休向咱
行弄莫教風月兩無功劉郎須認桃源洞尾聲有朝
一日諧鸞鳳心堅自古定相從這的是十載心機不
落空

新刻羣音類選清腔卷五